



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Annales Ecclesiastici**

Incipiens ab exordio Imperij Arcadij & Honorij Augustorum, Anno Domini CCC. XCV. perueniens vsque ad CCCC. XL. continet annos XLV. ita dispositus, vt commodè sextus tomus à S. Leone Magno Pontifice Maximo inchoetur

**Baronio, Cesare**

**Coloniæ Agrippinæ, 1624**

Religiosissimo Ac Serenissimo Principi Gvillielmo Comiti Palatino Rheni  
Vtrivsqve Bavarizæ Dvci Cæsar Baronivs Felicitatem.

**urn:nbn:de:hbz:466:1-14566**

RELIGIOSISSIMO AC SERE-  
NISSIMO PRINCIPI GVILLIELMO COMITI  
PALATINO RHENI VTRIVSQUE  
BAVARIAE DVCI

CÆSAR BARONIVS FELICITATEM



CONSUEVIMVS, Serenissime Princeps, in singulis ferme Annalium tomis post  
Summum Pontificem epistolâ nuncupare aliquem ex inhareribus ipsi  
presbyteris siue diaconis Cardinalibus. Quoniam verò, sicuti Moyfi non  
sacerdotes tantum atq; Leuita, sed & Iosue potentissimus dux exercitus as-  
sistere consuevit, ita & te religione pollentem, Magnum Ducem vtriusque  
Bavariae intime inharere sacro totius religionis Antifitici, certo scimus: hæc  
epistolâ infigne nomen tuum prosequi, mearum partium esse duxi. In te e-  
nim, instar Iosue, prægrande illud diuino munere miraculum editum quo-  
dammodo instaurari videtur temporibus nostris, quo Sol stare iubetur, &  
prohibetur penitus deorsum ad Occasum labi, eum, inquam, absque terræ obice noctis Sole illu-  
strior Catholica fides super populum tibi subiectum semper lucens, firma, immobilisque nutu Dei  
sit iussa consistere, quæ alijs finitimis prouincijs, dilabens in Occidentem, tenebrosæ post se noctis  
relinquit horrorem: Quæ in te etiam Aegypti noscuntur renouata prodigia, dum atrâ densaque  
obuolutis illis vbiq; caligine, dumtaxat in bona Gesson, Bavaria ipsa tua, veri Israelitæ iucundis-  
sima luce perfruuntur, veritatis Sole in meridie radijs claritatis & charitatis fulgore iugiter afful-  
gente, vt impietatis frigus non sentiant, & glaciæ perfidiæ sint expertes, atque vberissimo prouentu  
spiritualium frugum perpetuo potiantur autumno.

His quidem omnibus tu ipse abundans & affluens, Romanam Ecclesiam in primis regia locuple-  
tasti munificentiâ, cum sacras Memorias sanctorum Martyrum præclaris monumentis insigniter  
illustrasti: addidisti verò ad summum decorem lucis operibus filios lucis, cum ab te genitos Sere-  
nissimos Principes, regia ornamenta familiæ, absolutissima virtutum omnium exemplaria, ad A-  
postolicam sedem misisti, viros, & religioso veneraturos officio in ea sedentem vice Christi Cle-  
mentem recens creatum Pontificem Maximum: in quibus singulis tua augusta eluxit imago. Ita  
plane ad mensuram bonam, ex Euangelij præcepto, apposuisti conferatam, coagitatam, atque su-  
pereffluentem. Bona quidem illa mensura fuit, quam boni Principes præstare consueverunt, cum  
Martyrum monumenta insigniter exornasti. At verò cum honorificentissimam legationem ad si-  
psium Clementem Summum Pontificem misisti, maiorem existimasti, quam vt credi deberet cla-  
rissimis viris tibi subiectis, sed ea tantummodo dignos putasti sublimes Duces, ipsos Principes si-  
lios tuos, carissima signora, nempe Philippum Ducem eundemque Reuerendissimum Episco-  
pum Ratisponensem instar Timothei Apostolico munere decorantem honestissimam iuuentu-  
tem, simulque germanum ipsius fratrem Ferdinandum Ducem & Præfectum amplissima digni-  
tatis, clariorem verò integerrima probitate: plane conferatam mensuram addidisti, atq; coagita-  
tam apposuisti. Tunc verò supereffluentem, aucto cumulo, superindidisti, cum post paucos menses  
ipsum primogenitum tuum, Serenissimum Principem Maximilianum regio apparatu misisti, ac-  
cepturum à Sanctissimo Patriarcha, more maiorum, benedictionem primogenito debitam.

Qui igitur tot tantisque Christianam religionem officijs excolit, & tam amplis Christi Vica-  
rium, successorem Petri, istis præsertim temporibus, frequentat obsequijs, Romanamque Eccle-  
siam muneribus auget: par est vt eum omnes Fideles ament, colant, venerentur, omnique studio  
prosequantur. Quo quidem nomine ego ipse (quod reuerentia monet, ratio suadet, postulat ma-  
gnitudo tuorum meritorum, implorat virtus, religio denique exigit) omnem exhibens tuæ ampli-  
tudini obseruantiam, cultum præstans, suspendens obsequium, pendens tributum, persoluens de-  
bitum, quantum offero Annalium tomum, in cuius fronte, velut in atrio exsculpta columna, hæc  
de te memoria conspiciatur erecta, posteris fidem factura, mysticam Dei Arcam diu exulem, apud  
te diuertentem, religiosissime esse susceptam ac reuerendissime asseruatam; & typicum Dauidem  
eum suis profugum abs te honorificentissime habitum, consueturo ob digna merita vna cum do-  
mo tua benedictionem à Domino impertitam Obededom, & in successoribus diuinam  
promissionem Christi testamento firmatam veris filijs Berzellæ. Vale Princeps  
maximè pie, teque Deus vna cum Serenissimis Principibus  
filijs tuis suâ dextera iugiter protegat  
atque conferuet.